

ZASTUPNIČKO PITANJE

Zastupnik – Hamed Aljović

Pitanje prema Premijeru Kantona Sarajevo

Molim Premijera Kantona Sarajevo da mi odgovori da li će Vlada Kantona Sarajevo poduzeti sankcije prema odgovornim osobama u Ministarstvu za obrazovanje, nauku i mlade Kantona Sarajevo zbog nepoštivanja Pravilnika o izboru, imenovanju i načinu rada školskih i nadzornih odbora osnovnih škola Kantona Sarajevo

Obrazloženje: Prema članu 13. stav 1 m, Pravilnika o izboru, imenovanju i načinu rada školskih i nadzornih odbora osnovnih škola Kantona Sarajevo („Službene novine Kantona Sarajevo“, broj 24/12), za člana školskog/nadzornog odbora u postupku imenovanja, ne može biti izabrana osoba „**koja je član više od jednog organa upravljanja ili nadzora bilo kojeg pravnog lica**“.

Na Devetoj redovnoj Sjednici Skupštine Kantona Sarajevo održanoj 22.12.2015. godine u okviru tačke dnevnog reda „*zastupnička/poslanička, pitanja, inicijative i odgovori*“ postavio sam pitanje prema Ministarstvu za obrazovanje, nauku i mlade Kantona Sarajevo, da mi odgovore „da li je tačno da su neke osobe članovi u 4-5 školskih odbora u osnovnim školama Kantona Sarajevo, kao i da mi dostavite spisak osoba koji su predstavnici Ministarstva u školskim odborima osnovnih škola.

Dobio sam odgovor od Ministarstva za obrazovanje, nauku i mlade Kantona Sarajevo na moje zastupničko/poslaničko pitanje (akt broj: 11-01-05-31662-1/15 od 21.01.2016. godine).


Odgovor smatram **skandaloznim**, jer u odgovoru stoji da „smo pregledom službene evidencije, utvrdili za Ismetu Brajlović, da je predsjednica školskog odbora u tri osnovne škole, a istovremeno je član u dva upravna odbora u dvije („Srce“ i „Behar“) privatne predškolske ustanove kao predstavnik Ministarstva **a što nije u skladu sa članom 13, stav (1) tačka (m) Pravilnika o izboru i načinu rada školskih odbora osnovnih škola Kantona Sarajevo** („Službene novine „Kantona Sarajevo br 24/12). Također, utvrdili smo da je Nihada Čolić predsjednica školskog odbora u dvije osnovne škole u kojima je **usmeno najavila ostavku**, te da je vršilac dužnosti predsjednika u jednoj osnovnoj školi“.

Pitam se, da li je ovo moguće i da li je moguće da jedan zastupnik dobije ovakav odgovor. „**Da, kršili smo Pravilnik, pa šta?**“

Pitam se, da li naš bosansko-hercegovački pravni sistem poznaje termin „**usmeno najavila ostavku**“, gdje? kada? kome?

Molim Premijera Kantona Sarajevo kao odgovornog čovjeka, da poduzme sve zakonom dozvoljene mjere kako se ovakva situacija nikada, nigdje nebi ponovila.

01.02.2016. godine

Zastupnik

Hamed Aljović